



03955

湘筠館詩序

嘉慶十九年九月二十一日碧梧女史雲鳳卒于

孫氏程春懋庭迎其喪以歸禮也魯成公時杞伯

來迎叔姬之喪春秋書之蓋叔姬之志行杞伯之

善政聖人茲有取爾碧梧之詩志行具焉烏可使

之無傳哉夫國風比興之篇女子離騷憂憤亦托

美人善懷者其聲哀以思不爽者其義微而婉可

怨可觀于是乎在是以西都咏其團扇東洛敘其

別離五言數家婦人居二典午以降子夜爭歌三

唐以還題紅競唱閨闈之作侯其禕而若乃家近

星河門傳詩禮浮休小女早聞咏燭之詞文靖閒

居便賞論詩之識蘭因天上巧分雲錦之機玉韞

仙源秀奪靈芝之采琉璃研匣染翰終朝玳瑁書

箴披文竟夕慧與學深思隨古化既五七言之茲

擅復長短句而能工讀中郎之遺編羣推淹雅酬

大雷之逸唱自挺風華固宜選在玉臺鏤之瑛管

者也逮乎葛蔓平臯鸞鳴灌木有行增絢辰彼方

新分保百年長如此日何圖集霰偏凌瓊圃之花

詎謂浮雲能蝕瑤臺之月悼身世之不諧怨靈脩

之浩蕩驚飈有恨翻飛共命之禽襄漢無情種出

之浩蕩驚飈有恨翻飛共命之禽襄漢無情種出



傷荷之藕圖眞在背攤不安橫云何吁矣能不悲乎嗚呼歡音難好作者皆然窮者後工斯言九信凡才人之薄命原造物之玉成睂山几上寧傳陰雨之歌臂玉車前焉起飛蓬之嘆天寒翠袖香冷金猊春風則空院偏多夜漏則三秋逾永攜筆墨爲儔侶炊詞賦爲資糧一字吟安欣然忘寐片言意得莞爾舒顏漫天之幽恨都捐萬斛之閒愁若失食貧業富身困名亨以彼易此孰豐孰儉况乎勞薪有盡白圭之孚理璉如苦霧旣消明鏡之團圞依舊終歸同穴于春何異比肩于百歲覽斯集者其有感于春秋之旨也夫德清許宗彥撰

湘筠館詩卷上

仁和孫雲

貴州道中

再遊飛雲洞

倦客欲休息驅車問靈境谷口采樵人指是飛雲
嶺古洞響寒泉高峰明返景松濤從空來感此動
清警昔我登此山垂髮始覆頸杯底吸霞光溪邊
捉雲影當時雖無知脈脈心已領撫樹發長歎歲
月直俄頃俯仰心豁然天風磬聲冷

曉行

殘月曉霜鐘馬蹄黃葉路日出不見人溪聲隔煙

樹

湘筠館詩卷上

一

巫峽道中

蜀門西望處直是上青天路出重雲裏人來夕照
邊秋風三峽水暮雨百蠻煙丞相空祠廟千秋一
黯然

徑仄盤渦迴泉流峭壁分晚風牛背笛殘雨馬頭
雲故壘生新草荒碑失舊文客程行未已杜宇莫
教聞

天外幾歸舟征人悵遠遊猿聲知客恨燈影散江
流月正千山白風號萬壑秋巴歌何處起不寐迴



添愁

秋江木葉下客子獨徘徊瘴起濃雲合灘鳴驟雨
來淒涼庾信賦寂寞楚王臺俯仰乾坤裏悲歌亦
壯哉

山行

曉從春山行殘月挂高樹鐘聲出煙林人語隔溪
霧幽壑多奇花絕壁飛瀑布今來秋已深木葉雜
風雨雞啼似有村雲深不辨路風景迥不同陰晴
亦有數去去路正遙悠悠歲云暮

舟中度歲

湘館詩卷上

二

連朝風不定守歲泊江船遠水落殘照孤城生暮
煙凍雲催淑氣鄉思入新年杯少屠蘇味村醪點
客筵

樊城遇雨

暝色樊城驛車疲未得過雨深山霧重樹雜野雲
多漁火春明岸樵薪晚渡河天寒風更急前路復
如何

入峽

風急暮雲起水寒殘照沈插天雙壁峭入峽一江
深見雁多秋思聞猿動客心巫山霜信晚木葉尚

森森

出峽

兩岸啼猿厭客聞
西風霜葉曉紛紛
櫓聲一夜出
巫峽十二碧峯空
白雲

常德道中

昔年游賞地
今日喜重經
籃影知漁市
茶煙認草亭
江沙連月白
岸柳待春青
不盡吟邊思
征車且暫停

漢陽

木落西風急
秋深客思多
半帆雲夢雨
一片洞庭

湘館詩卷上

三

波舊賦悲鸚鵡
空江弔汨羅
重來復何日
惆悵此經過

媚香樓歌

媚香樓明末秦淮妓李香君之妝樓也香君初為歸德侯生聘妾被

選入宮媚香樓竟廢

秦淮煙月板橋春
宿粉殘脂膩水濱
翠黛紅裙競
妝裏垂楊勾惹看
花人香君生小貌
無雙新築紅樓喚
媚香春影亂時花
弄月風簾開處燕
歸梁盈盈十五春
無主阿母偏憐小
兒女弄玉雖居引
鳳臺蕭郎未遇吹
簫侶公子侯生求
燕好輪金欲買紅
兒笑桃花春水引
漁人門前繫住游
仙棹奄黨

織兒想納交纏頭故遣狡童招那知西子含顰拒
更比東林結社高樓中剛耀雙星色無奈風波生
頃刻易服悲離阿軟行重房難把臺卿匿天涯從
此別情濃錦字書憑若个通桐樹已曾棲彩鳳繡
帷爭肯放游蜂因愁久已拋歌扇教坊忽報君王
選啼眉擁髻下妝樓從今風月憑誰管柘枝舊譜
唱當筵部曲新翻燕子箋總爲聖情憐覩覩桃花
宮扇賜簾前天子不知征戰苦風前且擊催花鼓
阿監潛傳鐵鎖開美人猶在瓊臺舞銀箭聲殘火
尚溫君王匹馬出宮門西陵空見宮人泣南內誰
招帝子魂最是秦淮古渡頭傷心無復娟香樓可
憐一片清溪水猶向門前嗚咽流

聽泉

聽泉松林間尋源清溪裏山光生薄寒暝色上秋
水孤月帶霧升漁歌隔煙起獨立望閒雲悠悠何
所止

晚溪

日落煙霏霏渡頭行客少山月出林遲幽禽歸樹
早水面清風來微波動荇藻余欲弄扁舟悠然學
垂釣

古意

銀燈結雙囊
蟾子上裙帶
早起洗啼妝
凝歡畫長黛

登高示諸弟妹

九日同登百尺臺
茱萸遍插菊花開
渚清沙白孤帆遠
露冷江空一雁來
人事獨悲秋
漸老少年須惜水
難迴山川信美非
吾土欲賦登樓媿
少才

征程

春來江上雁知還
我尚驅車道路間
芳草極天迷客思
白雲何處是鄉關
地卑城郭多臨水
縣小人

湘籍館黃卷上

五

家半住山聞說西行多石徑
喜無塵土撲征顏

山行

客思西風裏
車塵暮靄間
蟲聲黃葉路
人影夕陽山
鳥去一何速
我行猶未還
臨溪羨漁者
幽意獨閒閒

聞蟲

梧桐搖落後
蟲語傍苔幽
以爾呻吟苦
添余寂寞愁
西風半牀月
涼雨一燈秋
孤館難成夢
憑闌感舊遊

古意

庭空月皎蝙蝠飛當戶女兒愁鳴機投梭太息起
拜月霜色在樹風生衣千里盈盈不得語捲簾仰
望星河稀

題淨香女史小照

新月簾鉤前楊柳春風裏靈秀出鉛華微芬託蘭
芷佳句誦百回美人隔千里盈盈不相見把卷空
仰止披圖慰素思相去不盈咫日色槐影中蟬聲
柳陰起忘言對芙蓉幽懷澹如此獨立清風來遠
香在秋水

和隨園太史畱別西湖元韻四首

湘筠館卷上

六

撲簾飛絮一春終太史歸來去又匆把菊昔爲三
徑客盟鷗今作五湖翁囊中有句皆成錦閨裏聞
名未識公遙憶花間揮手別片帆天外挂長風

中車踏遍九州塵

用先生原唱

爭識先生氣味眞問字

每多攜酒客開緘大半索詩人江湖放浪成高士
草澤麤疎作幸民羨殺小倉山館裏鶯花應勝故

園春

行行無計挽歸舫勉賦驪歌莫見嘲蛻跡功名縱
詩酒放情山水樂漁樵暫來翻作家鄉客欲去難
忘江上潮聞道西湖游未足叮嚀花柳莫輕凋

未曾折柳倍畱連縱得重來又隔年遠水夕陽青
雀舫新蒲春雨白鷗天三千歌管歸花縣十二姻
緣屬散仙安得講筵爲弟子名山隨處執吟鞭

隨園先生再游天台歸招集湖樓送別分得

歸字

先生矍鑠世應稀又向湖樓設講幃鄉井幾回扶

杖到天台兩度看山歸羲之虛席推前輩

王夢樓年伯呼

先生爲前輩

坡老畱船泛夕暉

時泛明太守畫船

更指林巒約

來歲桂花風裏好搵衣

和隨園先生生挽詩

湘簫館詩卷上

七

今春湖碧山縈綠問字車來徬林麓丁令才欣化
鶴歸剡溪又悵回舟速小病先徵挽句看先生懷
抱海天寬淵明歌與司空墓曠達千秋鼎足觀玉
堂宴罷歸山早著書萬卷傳梨棗我是門牆聽講
人殘膏剩馥沾多少幾番魚素逐江湖知住鶯花
廿四橋春酒不曾辭醕酌元言方且賦逍遙才人
物外多游戲自云化蝶遙傳示欲爲今日眼前歡
預借他年身後事自有人間不朽文下爲河嶽上
卿雲卽今絳帳攀轅客筆當戈揮返夕曛

和隨園先生告存元韻七首

逼歲書來索句忙揮戈眞已返斜陽文人別有延
齡術翻笑軍中續命湯

稚子牽衣阿姊扶全家都住小蓬壺梅花香裏屠
蘇酒一幅仙人避劫圖

爆竹聲中萬戶煙迎春送歲各纏絲成仙蝙蝠不
飛去游戲人間幾百年

嶽志河經手著成來程去路甚分明游仙卻與游
山異久束行裝不得行

不用丹砂更駐顏春風長在小倉山者宵好度黃
楊厄過卻浮生第一關

湘館詩卷上

八

老去江淹筆更靈耳無重聽眼還明隔江昨已占
天象南極星兼太白精
歲燭搖紅照白頭修書遍寄報添籌五更擱筆先
生笑明日先寬弟子愁

題席韻芬女史拈花小照

想承衣鉢侍蓮臺親見天花落又開詩境忽從禪
境悟不教散去卻拈來
天然小像寫丰神國色無雙四座春應笑西湖諸
弟子從游不及畫中人

題謝香泉侍御金焦玩月冊子

浩浩水雲際冥冥魚龍蹤誰來大江上植此青芙蓉風濤撼一柱造化撐孤峰我舟泊其下時節當隆冬木葉寒更脫山水呈眞容霜寺見漁火煙江聞夜鐘焦山亦在望目極波千重歸來十五載此景常填胸不圖尺幅間乃與昔境逢謝公縱遊屐羣從支吟筇登臨覽明月長嘯凌蒼松下視萬頃光淼淼金初鎔雅意世誰會高風夙所宗披圖渺陳蹟回首煙霞封

洞庭曲

鼓楫洞庭水洞庭清且深靈妃不可見日夕哀猿

吟

湘筇館詩卷上

九

題畫

隔竹幾間茅屋傍山一片秧田細雨板橋行客清溪漁笛春煙

蟲聲

殘暑初消月半明露涼風定一聲聲秋來更著芭蕉雨夜夜和愁到五更

秋夜

小雨向夕收明月帶煙上清風生微涼暮蟬發幽響

宿燕

黃昏帶月繞簾鉤掠翠翻紅已倦遊伴我自來朱
戶裏呢人雙語畫梁頭杏花細雨三春夢楊柳
風百尺樓珠箔銀屏寒不到香泥高壘足勾留

題曾賓谷轉運三朵花圖繡合卷

西方品字蓮花種化作揚州三朵花春向牡丹分
富貴天教本色傲繁華繡絲添入鍼神譜綵筆傳
將畫苑家自是台星呈瑞兆魏公金帶不須誇

題王蘭泉太夫子三泖漁莊圖

買舟三泖邊築屋疎樹裏心止外物捐夕陽釣秋

水

聞笛

孤城長笛起黃昏獨倚闌干靜掩門楊柳東風春
有恨關山明月夜消魂驚心舊事成前夢到耳新
聲總淚痕多少畫樓銀燭宴翠屏檀板玉爐溫

落花

宵來猛雨遍香塵辜負東皇渲染新高閣寂寥攜
酒客小窗惆悵卷簾人堦前芳草依然綠池畔楊
花不是春縱使無情任開落鶯吟蝶怨總傷神

題汪夢巖表弟聽泉圖

草閣臨流構心閒境自清隔簾殘雨暝欹枕午溪
晴邱壑傳高致丹青寫逸情人當喧處寂機自滅
中生此際林巒憩頻年關塞行登樓還作賦投筆
更從征路險遊偏壯身勞慮轉輕蜀秦連棧影巴
楚走灘聲秋雨蓮花幕春風細柳營河冰朝渡馬
霜月夜談兵金鼓山川振旌旗烏獸驚經時依毳
帳何處展鵬程未奏將軍績先成記室名田園歸
暫理經史靜求精落月增離况扁舟問素盟徵詩
慙故我語舊感平生過眼煙雲幻回頭歲月更披
圖神欲旺刻燭句重賡匹練天邊卷長河樹杪傾
澄源來浩浩側耳聽琤琤事業書千束襟懷水一
泐悠然涼翠裏聊復濯塵纓

題秀芬妹貽硯齋詩稿

湖山鍾秀氣予季得來多才思因風絮年華出水
荷瓊瑤如此富左鮑未能過欲贈無佳句披吟愧
若何

題雲壑弟聽鶯圖

明湖如畫畫偏宜更著金鶯碧玉枝一斗春醪初
轉處滿身花露獨吟時清音況復諧山水天籟還
應勝竹絲他日建章宮裏聽重看小謝詠新詩

已未中秋和仙品妹韻

酒闌香靄雲籠月
蟬鬢蛾眉憶舊容
今夜有人風露下
畫屏銀燭思重重

湘筠館詩卷上

三

湘筠館詩卷下

仁和孫雲鳳碧梧

庚申上巳仙品妹有粵東之行

別淚滴成血離心亂似絲花飛上巳日帆挂夕陽
時流水去何急閒雲歸自遲明朝富春渚腸斷謝
公詩

得仙品妹書卽和過七里瀧原韻

知爾天涯棹重過七里灘感時還弔古悵別祇憑
闌古岸潮聲靜扁舟雨氣寒吟懷增幾許煙水畫
圖看

湘筠館詩卷下

蓮花

外直中通迴出塵不隨羣卉附陽春任教泥洹終
君子何必朱施是美人十里風清香澹遠五更月
曉色精神靈胎盡說西方種偶向清波一寫真

偶書扇頭

蘭閨值長夏心蹟冰壺清攤書臨高槐幽蟬時一
鳴

二月

陌頭楊柳將成絮庭下櫻桃又著花二月江南好
春色幾人辛苦向天涯

徐貞女詩

徐氏傳貞女存亡只此心絲雖虛百歲諾自重千
金節操青松勁波瀾古井深單絲彈別鵠譜恨入
瑤琴

卽景寄仙品妹

雪化冰仍結春來冷更加如何梅褪粉不見草萌
芽靜裏傷離緒愁中感歲華今宵好明月先汝夢
天涯

夜坐

閨中錦字憑誰寄架上殘編祇獨看鴻雁那堪來

湘筠館詩卷

二

塞北鵲鴿猶自隔雲端孤燈背壁人無寐一笛橫
秋漏欲殘辜負中庭好明月夜深寂寞上闌干

寒夜寄仙品

寒逼秋蛩入戶鳴滿天星斗欲三更空闌寂寞燈
前影舊事淒涼笛裏聲聚散煙雲嗟過眼悲歡人
世亦浮生何堪月白風清夜惆悵西堂夢不成

有懷仙品

八尺龍鬚小簾紋新涼庭院又斜曛鴛鴦翻譜愁
難繡棠棣連枝恨易分對月襟懷同止水倚闌情
緒羨閒雲空江雙鯉如相問蓮子花開正憶君

睡起

睡起銀屏日未斜，餘寒料峭逼窗紗。空階晴雨消
簷雪，紫陌春雷走鈿車。悶借瑤琴追古調，愁憑象
管寄生涯。詩成獨自忘言坐，落盡庭梅一樹花。

寄仙品妹兼憶亡妹文翰賓南

感逝傷離不自持，梨花寒食雨絲絲。天涯莫寄雙
紅豆，正是江南草綠時。

古意

夜闌坐松石，對月橫素琴。美人期不來，清風吹我襟。

湘筠館詩卷下

三

阿嬌

百尺珠簾不動塵，美人獨自怨殘春。倘教漢武如
秦始，愁殺成都賣賦人。

題許玉年一角湖山樓圖

秦臺簫史怕經春，香茗才華水月身。此日九原應
有感，傳真淒斷畫簫人。

蘭槳春波送遠行，鼠姑花下月燈明。相莊不獨齊
鴻案，史地爭傳孝女名。

調羹警旦未經年，吹斷西風錦瑟絃。莫道忘情歸
紫府，此生原是散花仙。

睡起

睡起銀屏日未斜，餘寒料峭逼窗紗。空階晴雨消
簷雪，紫陌春雷走鈿車。悶借瑤琴追古調，愁憑象
管寄生涯。詩成獨自忘言坐，落盡庭梅一樹花。

寄仙品妹兼憶亡妹文翰賓南

感逝傷離不自持，梨花寒食雨絲絲。天涯莫寄雙
紅豆，正是江南草綠時。

古意

夜闌坐松石，對月橫素琴。美人期不來，清風吹我襟。

湘筠館詩卷下

三

阿嬌

百尺珠簾不動塵，美人獨自怨殘春。倘教漢武如
秦始皇，愁殺成都賣賦人。

題許玉年一角湖山樓圖

秦臺簫史怕經春，香茗才華水月身。此日九原應
有感，傳真淒斷畫眉人。

蘭槳春波送遠行，鼠姑花下月燈明。相莊不獨齊
鴻案，吳地爭傳孝女名。

調羹警旦未經年，吹斷西風錦瑟絃。莫道忘情歸
紫府，此生原是散花仙。

落月情懷夢草心翠鈿零落碧窗深殘枝刺葉誰
堪補巧奪靈芸薛氏鍼

咏絮簷花格最工一雙斑管冷秋風懷才更愴遲

枝夢肯說詩書諱女紅

予亡妹雲鴻亦工吟咏勿令外人見也

廿首酸辛宋玉辭遊仙一枕動遐思空教楚些招
何處無復曇花再現時

春暮

花落空庭靜風簾雨乍晴調簧鶯語滑曬粉蝶衣
輕別緒雲無際春愁草亂生何時掬江水一滌此
心清

湘筠館詩卷下

四

新涼

一階秋雨夜啼蟲獨對青燈枕簟空最是新涼聽
不得豆籬花下又西風

自題畫幀八首

杏花

紅香影亂燕歸遲簾卷東風寫折枝二月江南舊
遊處一犁春雨早寒時

桃花

柳邊微雨釀春寒細草籠煙蝶作團昨夜東風吹
露井曉紅千點映朱闌

墨牡丹

白玉闌邊折一枝春寒日日雨絲絲人間自有清華種多恐胭脂不入時

繡毬

楊柳飛花草色青枝枝撩亂颺風庭鏤雲攢雪憑誰繡拋卻春光上畫屏

荷花

窗對遙山水繞廬紅衣搖落感秋初西風吹醒聞鷗夢香冷銀塘夜雨疎

秋海棠

十分幽思一襟風著得秋花澹澹紅最是月明人靜夜牆陰露冷有啼蟲

木芙蓉

十年歸夢一扁舟楓葉蘆花惹客愁隱映澹紅風露下空江月白楚天秋

梅花

寒梅點點寫秋釭忽憶孤舟泊九江夜半斷厓霜月白一枝疎影落篷窗

秋日湖上

清遊人比白鷗閒照影波光上綠鬟細雨霏霏秋

瑟瑟微風吹艇到南山
雲遮疎樹影空濛煙鎖遙山翠幾重高閣臨湖憑
檻坐晚涼漁火亂秋風
芙蓉紅破九秋天楊柳青籠薄暮煙何處寺鐘疎
欲斷半帆斜日認齋船

春暮寄仙品妹

落盡楊花草正肥雁書望斷嶺南稀年來大有閒
鷗意祇徬秋江冷處飛

梅花

雁來絕塞三千里人倚雕闌十二重深院晚風殘

湘筠館詩卷下

六

雪後冷香和月到簾櫳

春朝

春朝誤卻踏青期燕懶鶯慵不自持怪底東風太
狡獪故吹疎雨上花枝

東風吹遍滿湖春綠映蘇隄柳色勻蘭帳輕寒經
夜雨曉窗多少惜花人

竹夫人

虛心靈質憑誰託冰簟紗櫺有夢同一樣涼秋便
拋卻何須團扇怨西風

新春試筆

芻尼喚起綠窗人
爆竹聲中萬象新
檐雪漸消風料峭
紅牋呵凍寫宜春

秋夜寄仙品

簾紋涼不寐
燈背小窗虛
久旱喜聽雨
遠離難寄書
亂蛩鳴夜半
一葉墮秋初
此際珠江客
西風憶故廬

春寒

獨坐焚香掩畫奩
天涯芳草又纖纖
柳絲風釀桃花雪
如此春寒怕捲簾

紅梅寄仙品

湘筇館詩卷下

七

舊種紅梅樹
今年藥更肥
翠禽枝上宿
芳信嶺南稀
月澹影疑畫
雪殘香欲飛
風廊猶記否
片片點春衣

題頤谷叔祖遺照

肯隨鷗鷺共忘機
不爲蓴鱸解組歸
把卷臨風無限意
柳花點點撲春衣
清閒未許俗塵侵
磨盡丹黃歲月深
一睹春風舊顏色
書堂根觸昔時心

八日雪

寂寞過人日
陰晴感歲華
凝愁慵翦綵
破睡喜煎

茶庭外雨兼雪。瓶○中○風○凍○花○何○如○去○年○好○曉○日○聽○啼○鴉○

七夕寄仙品

花香燭影滿鍼樓。回首西風動別愁。如此新涼者
般月黃昏閒煞畫屏秋。

年年烏鵲渡銀河。處處金鍼集綺羅。莫○向○天○孫○多○乞○巧○巧○多○還○恐○別○離○多○

咏燭兼憶仙品

清影搖風玉漏遲。西窗往事不堪思。汚他芳暈沾
紅袖。照我蘭膏。漬翠幃。綺席半籠春。射覆畫屏分
刻夜。裁詩而今別緒兼愁。緒剩有丹心一寸知。

湘筠館詩卷下

八

新秋

四壁蟲聲絮不休。一燈疎雨感新秋。簟紋紗帳初
長夜。涼覺花香入夢幽。

辛未十二月立春後二日

湘蘭寫罷寫梅枝。暖覺春風到硯池。卻似黃梅好
時節。夕陽明處雨如絲。

雜憶詩爲仙品妹作

書堂偷出日初斜。窄窄春衫雙髻丫。最憶刺桐花
下立。屬教金彈打啼鴉。

菰蒲秋雨雁聲殘，流入西風客袂單。最憶扁舟下巫峽，愛看山水每忘餐。

隔簾鸚鵡語雕籠，陌上吹來柳絮風。最憶繡牀春晝永，替穿綵縷倚花叢。

碧筒綠蟻帶香斟，酒入愁腸半不禁。最憶新涼憐小病，隔幃殘燭伴更深。

半牀花影半牀書，楊柳風柔著體疎。最憶清吟窗下坐，看臨鸞鏡曉妝初。

玉梅消息逗春寒，立盡闌干漏欲殘。最憶上元燈火夜，一輪笑指月團圓。

湘館詩卷下

九

閒庭草綠自年年，繡箔無塵鼻篆煙。最憶斜陽倚樓處，紙鷁風裏杏花天。

一鉤新月挂西南，銀燭光中酒半酣。最憶牡丹春豔豔，畫堂三月初初三。

晚涼新浴越羅輕，茉莉雲鬟香暗生。最憶畫屏閒並坐，一燈清話欲三更。

柏香燈影聽箏琶，爆竹春飛萬戶花。最憶酒闌重翦燭，小窗分韻鬪年華。

悠悠天地歲華流，弔古傷今相對愁。最憶青梅閒賭酒，暮霞紅映繡簾鉤。

聯牀風雨共淒淒
重過槐庭鳥亂啼
最憶蠻箋春譜曲
夜窗殘月曉窗雞

閒雲身性自悠然
不坐枯禪不學仙
最憶幽窗解岑寂
細將離合說因緣

春風繡幙歌殘柳
芳草旗亭醉夕陽
最憶臨行重叮囑
雪梅雖好莫平章

水中落梅

玉笛吹殘二月春
暗香飄墮最愁人
阿誰解識冰霜性
但逐清流不染塵

癸酉上元書懷

湘筠館詩卷下

十

斗室無人境自幽
春風又到小簾鉤
藥爐經卷過佳節
酒盞詩筒憶舊遊
世態盡從貧後見
名心半向病中休
如何月白燈紅夜
不解清歡祇解愁

白秋海棠

幽花楚楚淚痕分
姑射仙姿迥出羣
自傷蘿陰迷曉月
不同梨夢泥春雲
玉階露重悲紈扇
金井風微卷練裙
占斷秋光最清絕
低叢涼蝶莫紛紛

除夕憶仙品妹

記得天涯客華堂
共此辰燭花紅到
曉梅萼暖生春風
景殊非昔年華
又換新百端俱可
卻愁思總

如塵

湘筠館詩卷下

十一



03956

